

太平寰宇記

四

中國古代地理總志叢刊



中國古代地理總志叢刊

太平寰宇記

四

〔宋〕樂史撰
王文楚等點校

中華書局

太平寰宇記卷之八十二

劍南東道一

梓州 富國監

梓州

梓州，梓潼郡。今理郫縣。禹貢梁州之域。秦爲蜀國鹽亭之地，二漢屬廣漢、巴二郡。三國時，其爲東廣漢郡。按蜀志云：「先主入蜀，攻劉璋，遣諸葛亮等分定州郡，略地至郫，百姓以牛酒犒師於會軍堂山。」是此地，東廣漢郡，即後主置也。晉、宋、齊並爲廣漢郡。至梁初，武陵王蕭紀於郡置新州。西魏又於此立昌城郡。至隋開皇十八年廢郡，改新州爲梓州，取梓潼江爲郡名。煬帝初廢州，改爲新城郡。唐武德元年改爲梓州，領郫、射洪、鹽亭、飛鳥、通泉五縣；三年又以益州玄武來屬；四年又置永泰縣。調露元年置銅山縣。天寶

元年改爲梓潼郡。乾元元年復爲梓州。乾元後，分蜀爲東西川，梓州恒爲東川節度使治所也。皇朝改爲安靜軍節度。

領縣十：〔一〕郪縣，玄武，涪城，綿州割到。射洪，通泉，鹽亭，銅山，飛鳥，永泰，東關。僞蜀置。

州境：東西三百六十五里。南北三百六十三里。

四至八到：東北取綿州路至東京三千六百里。東北至西京二千九百三十里。東北至長安二千里。東至果州三百五十里。正南微東至普州三百四十六里。西至漢州二百三十里。正北微東至劍州三百六十八里。東南至遂州一百八十五里。〔三〕西南至簡州一百八十五里。西北至綿州一百三十里。東北至閬州三百一十五里。〔三〕正東微南至果州二百五十里。

戶：唐開元戶六萬一千九百。皇朝戶主三萬七千六百五十四，客二萬六千二百六十一。〔四〕

風俗：同益州。

人物：馮信，字季誠，郪人。凡十舉孝廉科，十辟公府，皆不就。

王堂，字敬伯，廣漢郪人，曾孫商，爲

蜀郡太守。

馮顥，郪人，爲成都令。

鄭純，郪人，爲南郡太守。〔五〕

王渙，字稚子，郪人，當機善

斷，陳龍辟爲功曹，由此顯名。〔六〕

鄧顯，爲長樂衛尉。

唐陳子昂，射洪人。

李義府。射洪

土產：綾，綿，銀，空青，曾青，石綠，地黃，紅花，砂糖，柑橘，枇杷。十道記云：「廣漢之地有鹽井、銅山之富。本南夷，周末，秦并爲郡。有蔬食果實之饒。」舊進內熟、烏頭、紋綾、水波綾。〔七〕

水名：梓潼，鹽亭水，涪江，郫江，合江。

地名：郫道，郫郎，新城，武都，巴西，南充。

郫縣，舊二十六鄉，今九鄉。

按常璩國志云：「漢高帝六年置廣漢郡，管縣六，〔八〕郫縣是其

一也。」舊縣在今縣南九里。〔九〕臨江，郫王城基址見存。又云以郫江爲縣名。蜀志：「姜維等聞諸葛瞻破，乃引軍由廣漢郫道，以審虛實。」即此地。後魏置新城縣于此，恭帝三年改爲昌城縣。隋開皇三年罷郡，縣屬新州；十年改新州爲梓州，縣屬不改。縣有鹽井四十三眼，二十二眼見煎，餘廢。

中江水，在縣西南三里。源從玄武縣東界流入當縣西南，八十餘里入涪江。

桃花溪，在縣東三十里。〔一〇〕源從涪城縣南流入當縣東，又六十里入射洪縣。

石谷溪，在縣東南二里。〔一一〕源出當縣杜山下，〔一二〕遶牛頭山南入中江。

牛頭山，在縣西南二里。高一里，形似牛頭，四面孤絕，俯臨州郭，下有長樂寺，樓閣烟花，爲一方之勝概。

涪江，在縣西二百里。自涪城縣東南流入縣界，合中江，東流入射洪縣界，屈曲二十里。通遂州。

郪道，漢郪道縣城在今縣西。^{〔三〕}

玄武縣

州西一百十五里。四十三鄉。今十鄉。

本漢五城縣地，^{〔四〕}華陽國志：「漢時立倉，發

五城縣人，尉部主之，後因以爲縣。」晉武改爲五城縣，屬東廣漢郡，在五城山。隋開皇三年置玄武縣，隸益州。唐貞觀元年割入梓州。九州要記：「鹽井二，近江水淡，煎鹽不成。」

玄武山。九州要記云：「玄武山，一名赤雀山，一名宜君山，山有鹿尾入貢。」又華陽

國志云：「玄武山，一名三嵎山，在縣東二里，其山六屈三起。山出龍骨，傳云龍升其山，值天門閉，龍升不達，死墜于此，後沒入地中，民掘取其骨，入藥用。」

覆船山，改名泊山，^{〔五〕}高五里。按十道錄云：「堯遭洪水，維舟泊此，船覆于樹下，因此名焉。」又益州記：「覆船山中十五里，有七里阪，一名羊腸阪，屈曲有壁立，難升之路。」

犁刃山，在縣北十里。按李膺蜀記：「犁刃山長八里，高出衆峰，形如鐮刃。」

廢懷歸縣，在西北二十里。蜀記云：「宋元嘉九年置，後周明帝初併入玄武縣。」
廢五城縣，在縣東二里。李膺蜀記云：「五城在三嵎山之東。」

涪城縣，西北六十里。舊二十鄉，〔二六〕今五鄉。本漢縣，屬巴西郡。〔二七〕後漢初，吳漢入蜀，裨將臧宮拔涪城，即此邑。東晉立始平郡于此。隋初廢郡後爲涪城縣，以隸巴西郡。〔二八〕大曆十三年又自綿州卻隸梓州。管鹽井五十五所，一十眼煎，四十五眼塞。

涪城水，在縣北。從綿州巴西郡界流入縣界，卻入郪縣。

香積山，在縣東南三里。北枕涪江。

五層山，在縣北二十五里。

天柱山，高二里，四面平正，有重山，〔二九〕高一百餘步，孤秀如柱，故名天柱山。

射洪縣，

東南六十里。舊十三鄉，今四鄉。

本漢廣漢郡郪縣地，後魏恭帝于此分置射洪。

縣。〔三〇〕益州記：「郪，僂灘東六里有射江，〔三一〕土人語訛以江爲洪。」

涪江，從郪縣界流入當縣北界。

梓潼水，從鹽亭縣南界流入當縣，又東流入涪江。

獨坐山，在縣東南二十五里。周迴一里，高一百丈，卓然孤峻，南枕涪、梓二水。

懸巖，在縣南一十五里。遠望懸崖，皎如白雪，舊名崖山，〔三二〕天寶三年勅改爲懸巖。

山。

射江。水經注云：「涪江水又東南流，合射江。」即今射洪縣南有此水。

通泉縣

東南百四十里。舊十二鄉，今五鄉。

故西宕渠郡湧泉縣地名黃澣川，隋開皇三年於此

置通泉縣，□□□□□□□□交注，^(三)取其流通之名。管鹽井七十四所。

通泉山，在縣西北二十里。東臨涪江，絕壁二百餘丈，水從山頂湧出，下注涪江。湧

泉郡故城在此。

涪江，從射洪縣東南流入縣界，又南流入遂州。

黃澣水，源從鹽亭縣東南流入當縣，合涪江。^(四)

萬頃澤田，在縣東北二十二里，澤內田方萬頃。^(五)

鹽亭縣

東北九十二里。舊十三鄉，今六鄉。

按李膺蜀記云：「靈江東鹽井亭，古方安縣也。」

周地紀：「梁大同元年於此亭置縣，因井爲名。」管鹽井三，一井見煎。

負戴山，在縣西一里，高二里。自劍門南來，過劍州，入當縣。其山龍盤虎踞，起伏

四百餘里，至此卻蹲。山有飛龍泉噴下，南流入梓潼江，水色清冷，其味甘美，時以爲瓊

漿水。

龍固山，在縣西北七十里。高四里，四面懸絕，可以固守。

董叔山，在縣東九十步，高一里。隔瀾江水，孤峰絕島，峭壁千仞。舊名潺亭山，隋開皇四年，縣令董叔封嘗遊宴此，後人思其德政，號曰董叔山。

梓潼水，源出劍州陰平縣豆圖山石穴東南，〔二〕經綿州鹽泉縣，流入當縣。

鹽亭水，源出閬州西水縣，西南流入當縣鹽井亭，故名鹽亭水，去合梓潼江。

廢高渠郡城，在縣西十六里，北臨梓潼水。周保定初置。隋開皇三年廢爲縣，大業三年縣亦廢。

廢宕渠，在縣北三十二里安樂村。李膺蜀記：「宋元嘉十九年置西宕渠郡，領縣四：宕渠、宣城、〔三〕漢初、東關。於宕渠，是其一也。梁天監中廢。」

嚴震墓，唐德宗朝爲山南西道節度使，移興元尹。礪，震之弟，元和中自山南西道移東川節度。以上二墓在負戴山下，去縣西一里。〔三〕

銅山縣，西南一百二十里。舊七鄉，今三鄉。本蜀道銅山之冶，〔四〕昔漢文帝時鄧通鑄錢，即此也。唐貞觀二十三年置監，上元三年廢監爲縣，〔五〕以銅山爲名。

私鎔山，在縣西二十四里。高一里，出銅。昔時任百姓採鑄，俗呼私鎔山。

可蒙山，在縣西北三十里。高一里，出銅。

賴應山，在縣北三十里。周二里，出銅及空青。出銅山甚多，此略書三所。

鄴江水，源出玄武縣東南，流入縣界。

會軍堂山，〔三〕高三里。蜀主劉玄德遣孔明、張飛分定州界，略地至此，百姓以牛酒犒師，武侯因會軍士于此，後傳云會軍堂山。

銅官山，在縣西南五十八里，〔三〕長二里。蜀記云：「縣西南有銅官山，闊八丈，高出衆峰，鄧通、卓王孫冶鑄之所也。」景龍二年，採銅利害使、西臺侍御史奏稱梓州玄武縣、簡州金水縣競銅官坑，按兩縣圖經，其銅官山合屬玄武縣，請徙銅官于山南二里。

飛鳥縣，西南一百四十里。四十鄉，今三鄉。本漢鄴縣地之故城，在縣北三十五里，故鄴王城也。隋開皇十年置飛鳥鎮，十三年改鎮爲縣，取飛鳥山爲名。貞觀二十二年以舊縣山重峻險，移就今縣理。管鹽井七，三井見煎，四井塞。

大飛鳥山，高二里，周迴二里。又有小飛鳥山，高一里，周迴二里。又山在縣東，重巒峻削，二山相向，如飛鳥之狀。

小鄴江水，源出當縣西南蓮池鄉小山下，東流入縣郭，〔三〕又七十六里合鄴江。

永泰縣，東北一百二十七里。元三鄉。本漢充國縣之地，唐武德四年巡檢皇甫無逸以四境遙遠，人多草寇，遂以當縣鹽亭縣、劍州普安縣、閬州西水縣三縣界析置此縣，因以永泰爲名。管鹽井五。

女徒山，在縣東二十五里。其山從閬州新井縣界來，故老相傳昔有女徒千人，于通泉縣康督井配役，遇賊于此山，乃于山頂置柵禦捍，遂破其賊，俗爲之置祠。今富順鹽井皆婦人推車汲水，(三)由此而論，則女徒之山可錄云。

李義府碑，在縣北三十步。義府本此郡人，武后朝爲中書令，後人立碑，以旌其餘烈。

東關縣，東南百四十里。元三鄉。本鹽亭縣雍江草市也，僞蜀明德四年以地去縣遠，徵輸稍難，寇盜盤泊之所，因割樂平等三鄉立招萁院，計徵兩稅錢一萬三千貫碩。皇朝乾德四年平蜀升爲縣，取古東關地之名，從本州知州張澹之所請也。管鹽井四，三井有鹽煎，一井廢。

富國監

富國監者，本梓州郫縣富國鎮新井煎鹽之場也，皇朝置監，以董其事，兼領通泉、飛鳥等鹽井地，去梓州九十里。

卷八十二校勘記

〔一〕領縣十 萬本、庫本「領」上皆有「元」字。

〔二〕東南至遂州一百八十五里 「東」，底本脫，據萬本、庫本補。按元和郡縣圖志卷三三梓州：「東南至遂州二百五十里。」唐宋梓州治鄭縣，即今四川三臺縣，唐遂州治方義縣，宋改縣名小溪，即今遂寧縣，位於梓州東南，此脫「東」字。

〔三〕東北至閬州三百一十五里 「東北」，底本作「東南」，萬本、庫本同。通典卷一七六州郡六、元和郡縣圖志、元豐九域志卷七梓州皆作「東北」。按唐宋閬州治閬中縣，即今四川閬中縣，在梓州東北，此「南」爲「北」字之誤，據改。

〔四〕客二萬六千二百六十一 「六十」，萬本、庫本皆作「二十」。

〔五〕南郡太守 萬本、庫本皆作「南郡都尉」。按華陽國志卷一〇先賢士女總贊：鄭純，爲益州西部都尉，明帝「改西部爲永昌郡，以純爲太守」。此「南郡太守」爲「益州西部都尉」，或爲「永昌太守」之誤。

〔六〕王渙至由此顯名 萬本、庫本皆無王渙傳略。

〔七〕舊進丙熟烏頭紋綾水波綾 萬本、庫本皆無此文。

〔八〕管縣六 按華陽國志卷三蜀志：「廣漢郡，高帝六年置，屬縣八。」此「六」爲「八」字之誤。

〔九〕舊縣在今縣南九里 按資治通鑑卷八五晉紀七胡三省注引宋白曰：「漢舊縣城在今（郪）縣南九十里，臨江，郪王城基址見在，以郪江爲縣名。」宋郪縣即今三臺縣，郪江即今縣南郪江，此「九」下蓋脫「十」字。

〔一〇〕在縣東三十里 「東」，底本脫，庫本及輿地紀勝卷一五四潼川府引本書同，據萬本及蜀中名勝記卷二九潼川州引李膺益州記、嘉慶重修一統志卷四〇六潼川府引本書補。

〔一一〕在縣東南二里 「東南」，輿地紀勝潼川府引本書同，萬本及嘉慶重修一統志潼川府引本書皆作「西南」。按本書下文云：「石谷溪源出郪縣杜山，遶牛頭山入中江，牛頭山在郪縣西南二里，則此「東」疑爲「西」字之誤。

〔一二〕杜山 「杜」，底本作「社」，據萬本、庫本及輿地紀勝、蜀中名勝記、嘉慶重修一統志引本書改。

〔一三〕漢郪道縣 按漢書卷二八地理志上，廣漢郡領郪縣，非「郪道」。

〔一四〕漢五城縣地 按宋書卷三八州郡志四：「伍城縣，晉武帝咸寧四年立，太康六年省，七年又立。何志劉氏立」。元和郡縣圖志梓州玄武縣：「本先主所立五城縣也。」則伍城縣置於三國蜀漢後省，晉武帝咸寧四年復立，漢代無此縣，本書誤，「漢」上或脫「蜀」字。

〔一五〕改名泊山 「改」，庫本同，萬本作「舊」。按蜀中名勝記卷三〇中江縣引十道錄作「又」，嘉慶重

修一統志潼川府引本書作「舊」，此「改」蓋爲「舊」字之誤。

〔一六〕舊二十鄉 「二十」，庫本同，萬本作「二十一」。

〔一七〕本漢縣屬巴西郡 按西漢名涪縣，屬廣漢郡，載於漢書地理志，東漢因之，載於續漢書郡國志，此誤。

〔一八〕東晉立始平郡至以隸巴西郡 按隋書卷二九地理志上：金山郡涪城縣，「舊置始平郡，西魏改郡爲涪城，後周又改曰安城。開皇初郡廢，改縣曰安城，十六年改爲涪城」。輿地廣記卷三二梓州涪城縣：「漢涪縣地，東晉置始平郡，西魏改郡爲涪城，後周又改曰安城。隋開皇初郡廢，置安城縣，十六年改爲涪城，屬金山郡。」此云「隋初廢始平郡」，改名涪城縣，「隸巴西郡」，皆誤。

〔一九〕四面平正有重山 按嘉慶重修一統志潼川府引本書作「四面平延，上有重峯」。

〔二〇〕後魏恭帝于此分置射洪縣 庫本同，萬本此下有「周改射洪縣」。按隋書地理志上：「射洪，西魏置，曰射江，後周改名焉。」輿地廣記梓州射洪縣：「西魏置射江縣，婁灘東六里有射江，因以爲名，後周改曰射洪。」則此「射洪」爲「射江」之誤，其下脫「後周改名射洪縣」。

〔三一〕婁灘 按輿地廣記梓州作「婁灘」，輿地紀勝潼川府作「婁灘」，蜀中名勝記卷二九射洪縣引李膺益州記作「婁灘」。

〔三二〕舊名崖山 「崖山」，輿地紀勝引本書同，蜀中名勝記射洪縣引本書作「白巖山」。

〔三〕□□□□□□□交注 萬本無此空缺及「交注」二字，庫本亦無此空缺，「交注」作「通泉」。

〔四〕黃澍水源從鹽亭縣東南流入當縣合涪江 按輿地紀勝引本書之黃澍溪「在通泉縣東五里，合江」。與此不同。

〔五〕澤內田方萬頃 「田」，底本脫，庫本同，據萬本及嘉慶重修一統志潼川府引本書補。

〔六〕豆圖山 按輿地紀勝潼川府引本書作「豆圖山」。

〔七〕宣城 按南齊書卷一五州郡志下，西宕渠郡統縣四：「宕渠、宣漢、漢初、東關。」此「宣城」疑爲「宣漢」之誤。

〔八〕嚴震墓 至去縣西一里 庫本同，萬本作「嚴震、嚴礪墓，俱在縣西負戴山下」，嘉慶重修一統志卷四〇七潼川府引本書同。

〔九〕本蜀道銅山之冶 「冶」，底本作「治」，萬本、庫本同，據輿地紀勝潼川府引本書改。按史記卷一二五佞幸列傳、漢書卷九三佞幸傳皆載：「文帝賜鄧通蜀嚴道銅山，得自鑄錢」。此「道」上疑脫「嚴」字。又輿地紀勝銅山縣序引皇朝郡縣志云：「漢文帝賜鄧道嚴道銅山，乃在今黎州，非此地也。」漢嚴道即今四川榮經縣，在唐宋黎州（今漢源縣北）之北，非此地也。

〔三〇〕上元三年廢監爲縣 元和郡縣圖志梓州銅山縣序：「前上元三年廢監，調露元年因廢監置銅山縣。」新舊唐書地理志皆載「調露元年分郾、飛鳥二縣置銅山縣」，此云「上元三年爲縣」，蓋誤。

〔三〕會軍堂山 按輿地紀勝潼川府引本書云：「在銅山縣東北。」疑此脫載。

〔三〕在縣西南五十八里 「五」，底本作「六」，據萬本、庫本及輿地紀勝引李膺蜀記、嘉慶重修一統志卷四〇六潼川府引本書改。

〔三〕東流入縣郭 「入」，庫本同，萬本及嘉慶重修一統志潼川府引本書皆作「合」。

〔四〕富順 庫本同，萬本作「富國」，疑誤。

太平寰宇記卷之八十三

劍南東道二

綿州

綿州，巴西郡。今理巴西縣。禹貢梁州之域。秦屬蜀郡。按九州記云：「州之賁人、族人，（一）皆夷也。」華陽國志云：「秦昭襄王時，白虎爲害，乃募能殺者。時夷人胸臆廖仲藥、秦精等伏弩于高樓，射殺之。昭襄王曰：『虎歷四郡，凡害千二百人，一朝除之，功莫大焉。』乃刻石與盟曰：『復夷人頃田不租，十妻不筭，傷人不論，殺人雇死賧錢。』又盟曰：『秦犯夷，輸黃龍一雙；夷犯秦，輸清酒一鋤。』（二）至始皇末、漢初猶爲蜀郡之地，武帝始分蜀地爲益州，以此地爲涪縣，屬廣漢郡，即涪水之所經焉。晉孝武帝自梓潼故城徙梓潼郡置于此。西魏又于此置潼州，取潼水爲名。郡國志云：「梓潼東接巴西，南接廣漢，西接陰平，北接漢中。」梁武陵王蕭紀僭號，又於二郡置西、潼二州。（三）隋文帝開皇五年改潼州